



ATASSUT

Siverth K. Heilmann

UKA 2015/72

19. 11. 2015.

Apeqquteqaat aallaavigalugu oqallinissamik siunnersuut: Qanoq ililluta ilagiit sinniisoqarneq nakussassarsinnaavarput? Aamma qanoq ililluta soqutigineqarnerulersissinnaavarput?

(Inatsisartunut ilaasortaq, Anthon Fredriksen, Partii Naleraq)

Inatsisartunut ilaasortaq, Anthon Frederiksen Partii Naleraq, qanoq ililluta ilagiit sinniisoqarnerup nakussassarneqarnissaa soqutigineqarnerulersinnissaalu pillugu apeqquteqaat aallaavigalugu oqallississiaqarneranut qujavugut, imatullu naatsumik ATASSUT-miit oqaaseqarfigissallugu.

Siunnersuuteqartoq ilumoorpoq, ukiorparujussuarni ilaatigut ilagiinni sinniisoqarneq atugassarititaasut, akissarsiaqartitaanerannut allatigullu tunngavilersuutigineqartut pillugit, maani inatsisartuni ataasianngeqaluta eqqartuisaqaagut. ATASSUT-ip ilageeqarneq tapersersugarilluinnagaraa, taamaattumillu isummersornermut tunuarsimaartarsimanngeqaagut.

ATASSUT-miit siunnersuuteqartup qanoq iliornikkut, apeqqutit tallimani qulequtsiilluni saqqumiuussaqarneranut atatillugu oqaatigissavarput soorunami, pitsaanerpaajuaannarpoq siunnerfinnik allanguiniartoqarpallu ataatsimoorluni, ilagiit sinniisaannik peqateqarluinnarluni anguniaqarnissarput.

ATASSUT-miit Naalakkersuisunut ilaasortap siunnersuuteqartumut akissutai ersarilluinnartut uteqqinngikkaluarlugit isumaqatigilluinnarpagut. ATASSUT-miit isumaqarpugut, akisussaaffik pisinnaatitaaffiullu sumiinnera ersersinneqaraluartoq, uvagut qinikkatut siunnersuuteqartutuulli sunniuteqarsinnaanerput piffinni aggerfigisatsinni atorluaannartariaqaripput.

Taamak naatsumik apeqquteqaat aallaavigalugu oqallisissiamut ATASSUT-miit oqaaseqarfigaarput, siunnersuuteqartumut Naalakkersuisullu akissutaannut qujavugut.